


***RESOLUCIÓN REITORAL DO 19 DE NOVEMBRO POLA QUE
SE NOMEA AO XURADO DOS PREMIOS EXERIA Á
INCLUSIÓN DA PERSPECTIVA DE XÉNERO NOS
TRABALLOS DE FIN DE GRAO E DE MÁSTER DA
UNIVERSIDADE DE VIGO***

Mediante resolución reitoral do 23/09/2014 convocáronse os Premios EXERIA á inclusión da perspectiva de xénero nos traballos de fin de grao e de máster da Universidade de Vigo.

Por isto, unha vez finalizado o prazo de presentación de solicitudes e en virtude das facultades outorgadas pola Lei Orgánica 6/2001, de 21 de decembro, modificada pola Lei 4/2007, de 12 de abril de Universidades e o artigo 58 do Decreto 7/2010, de 14 de xaneiro, polo que se aproban os Estatutos desta Universidade,

ESTA REITORÍA RESOLVE:



Nomear as seguintes persoas como xurado dos Premios EXERIA á inclusión da perspectiva de xénero nos traballos de fin de grao e de máster da Universidade de Vigo:

Presidenta: Susana Reboreda Morillo, profesora titular de Historia Antiga da Facultade de Historia da Universidade de Vigo. Investigadora da Antigüidade grega con especial referencia á muller e á mitoloxía.; temas sobre os que publicou e impartiu docencia en diversos másteres. Na actualidade participa no proxecto "Maternidades e familias. Pervivencias, cambios e rupturas na historia. Entre as sociedades antiga e contemporánea".

Secretaria: Ana Isabel González Penín, directora da Unidade de Igualdade da Universidade de Vigo.

Vogal: Fátima Braña Rey, contratada doutora na área de Antropoloxía social da Universidade de Vigo, investigadora no ámbito cultural a partir da perspectiva de xénero. Desenvolve proxectos sobre a violencia de xénero e a aplicación da perspectiva de xénero ao análise do patrimonio cultural.

Vogal: Burghard Baltrusch, profesor titular de Lingua e Literatura Portuguesa no departamento de Filoloxía Galega e Latina da Universidade de Vigo do cal tamén é director na actualidade. A súa investigación

céntrase na poesía galega e portuguesa de mulleres, na literatura da vangarda e na teoría da tradución, dende os enfoques dos estudos de xénero, da hermenêutica e do posmodernismo.

Vogal: Alicia González Represas, vicedecana da Facultade de Fisioterapia da Universidade de Vigo, Enlace de Igualdade no mesmo centro, responsable de relacións internacionais e profesora titular de universidade especializada en rehabilitación cardíaca. Unha das súas liñas de investigación é a prevención e tratamento de patoloxías cardiovasculares na muller

Contra esta resolución, que esgota a vía administrativa, poderá interpoñerse recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da Xurisdición Contencioso-Administrativa*.

Así e todo, as persoas interesadas poderán optar por interpor contra esta resolución recurso de reposición no prazo de un mes contado a partir do día seguinte á publicación da presente resolución, perante o mesmo órgano que a dictou. Neste caso non caberá interpoñer o recurso contencioso-administrativo antes citado namentres non recaia resolución expresa ou presunta do recurso de reposición, de acordo co disposto na *Lei 4/99, do 13 de xaneiro, modificadora da Lei 30/92, do 26 de novembro de Réxime xurídico das administracións públicas e do procedemento administrativo común*.

Vigo, 19 de novembro de 2014



Salustiano Mato de la Iglesia

Dilixencia para facer constar que esta resolución se publica no taboleiro de anuncios dos rexistros da Universidade de Vigo o dezanove de novembro de dous mil catorce.

Vigo, 19 de novembro de 2014

A DIRECTORA DA UNIDADE DE IGUALDADE

Ana Isabel González Penín

